



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 540. Quo tempore facienda solutio.

[urn:nbn:de:hbz:466:1-73957](#)

cum, à quo abiit. De Lugo verius videtur, attendendum esse locum, in quo pretium empti censū solutum. Quod si in via vel transitu emptus census, loquendū esse dicit, sicut de mutuo dicitur; vel etiam sicut paulo ante dictum de emptione. Vide de Lugo cit. n. 209. Secundò in contractu locationis pretium solvi debet in loco, ubi res locata traditur; quia usus rei locatae in eo loco habet valorem aequalē pretio locationis promissō. Et si res locata est mobilis. v.g. liber, equus, in eodem loco reddenda, in quo accepta, de Lugo n. 201. Tertiò pari modo dicendum de permutatione; quod traditio utriusque rei permutatā aequivalentiam sumant à loco, in quo permutantur. de Lugo n. 202, utraque autem danda in loco, in quo est, quando fit contractus. Vide de hoc pluribus de Lugo n. 207. Quartò sic etiam mutuum reddendum in loco, in quo acceptum. Lugo n. 202. in fine, utpote quod alias diversitatē accipere potest ex variatione loci. Quoddam autem in eo contractu non attendatur varietas temporis, dum datur mutuum post duos annos reddendum, ex qua tamen aequē sumere potest inaequalitatem, est ex speciali consensu contrahentium; dum vel non putant variandū esse estimationem in eodem loco, vel de ea varietate non curant. Quintò alimenta vel pensio annua, ut & legata rei indeterminata ex testamento alicui debita solvenda in loco, ubi hæreditas ab hærede occupata; quia sunt quasi pars hæreditatis vel fructus illius, & hæreditas quasi pretium datum hæredi pro hoc onere subeundo; adeoque ubi hæreditas accepta, ibi nascitur obligatio, & ideo eo loco solvendum, nisi ex circumstantiis constet aliud. Ita de Lugo n. 110. Limitat hoc ipsum Muller. ad Stru. in ff. b. t. tb. 75. lit. a. in Legato studiorum causā relīcto, quod cum Bartol. in l. 42. §. 1. ff. de Judic. præstandum dicit in loco, ubi Legatarius dat operam studiis; et si alias, ut inquit, legata regulariter ibi præstanda, ubi relīcta. Denique in primitiis & decimis consuetudo habet, ut ad domum creditoris deferatur. Castr. l.c. §. 6 n. 4. infine. idem dicens de alimentiis debitibus ex alio titulo. v.g. ex titulo primogeniturae, ratione cuius solvenda aliis fratribus, ibi solvenda, ubi sunt bona primogeniturae.

Porrò quod attinet compulsionem & coactiōnem fori judicialis ad solutionem faciendam, ea fieri debet, ubi debitor domicilium habet, & non in loco contractus, nisi de facto ibi præsens sit. Forum enim, quod quis sortitur in loco contractus, est sub conditione, si ibi personaliter assistat, juxta c. fin. de foro compet. juncto c. Romana eod. in 6. Covar. præl. qq. c. 10. n. 3. Gutt. de juram. 2. p. c. 16. n. 1. Castr. l.c. n. 5. qui tamen n. 6. plures hujus regulæ limitationes subjicit. quem vide.

Quæst. 540. Quo tempore facienda solutione.

REsp. primò in genere: debita ex delicto vel ex re accepta statim solvenda convenientiū omnes. Illud vero statim non intelligendum mathematicè, sed moraliter; cùm dilatio ad breve tempus parum noceat creditorī. Unde regula ad excusandum dilationem à culpa mortali desumenda est ex damno, quod per illam moram creditorī interfertur. Qui tamen etiam quandoque potest esse graviter invitus, non tam ob nōcumentum, quod ei interfertur ex carentia sui debiti eo brevi tempore, quam propter periculum, quod debitor mutato animo, vel adveniente novo alio impedimentoo,

postea non restituat. de Lugo cit. d. 20. n. 111. qui tamen bene monet eum Molin. Tom. 3. d. 753. debitorem ex contractu (qui etiam alijs tenetur solvere mox ab elapsō tempore tacitè vel exp̄sē in contractu designato) non facile damnandum culpæ lethalis ob dilationem non magnam solutionis, dum creditor exinde non patitur grave damnum. Et hoc, etiam si creditor interim sepius exegisset debitum, præsertim si tunc debitor ægrè ac difficile solvere posset. Quamvis etiam tales debitores in magno periculo versentur damnationis, ut ex Molin. d. 756. n. 2. de Lugo n. 212. qui solutionem usque ad mortem differunt & ab hæredibus suis faciendam relinquunt, dum ipsi in vita solvere possent; cùm sepe hæredes, maximè Magnatum, istam obligationem non exequantur.

2. Resp. secundo: Si in contractu dies solutionis praefixus non est, et si statim res debeatur. L. 41. §. 1. ff. de V. O. non tamen debet creditor cum facco adire debitorem, sed moderatum & humanum se præbere. L. 33. ff. de usur. unde aliquo iuris & aequitatis temperamento opus. Debitor vero licet quocunque tempore (modò hoc importunum non sit, putat, tempus noctis, dies feriarū, in convivio creditore, ducente uxorem, agente cauam &c. tali enim tempore debitum offerens audiendus non est. Muller. ad Stru. in ff. b. t. tb. 75. lit. B. Lauterb. in ff. b. t. §. 27. arg. l. 39. & 72.) debitum offerre potest, & creditor illud acceptare tenetur. Potest tamen etiam solutionem differre, quod ad a creditore interpelletur, seu de eo solvendo admoneatur; & eo usque non constituitur in mora; è quod prudenter præsumi possit, eo usque non esse invitum creditorem quod ad solutionem dilatam. Abb. & Felin. in c. Heli. de Simon. n. 2. & 3. Sanch. de Marim. d. 27. n. 2. Molin. d. 564. n. 7. Castr. l.c. §. 6. n. 2. arg. L. magnam. & l. trajetitia. ff. de A. & O. Porro hæc interpellatio alia est judicialis, dum creditor in judicio oblatio libello petit à Judge debiti solutionem, & hæc necessaria non est, ut debitor in modo solvendi constituantur, sed ad hoc sufficit, debitorem extra judicium amicabiliter de solutione moneri. arg. L. more. ff. de usur. L. Titia. ff. de legat. L. qui Roma. ff. de V.O. & ibi Gl. V. testato. & Socin. n. 8. Castr. l.c. n. 3. Gutt. de juram. 1. p. c. 56. n. 7. & 9. citans plures, illudque limitans, ut adhuc judicialiter interpellari debeant, qui tantum Judicis officio pro solutione conveniri possunt. Sufficit autem ad constituendum debitorem morosum una talis interpellatio extrajudicialis, ut cum communione & veriore tenent Gl. & Bartol. in cit. l. Titia. l. mora. l. qui Roma. Felin. in c. ex literis. de const. n. 8. Tiraq. de retract. consang. §. 9. gl. 3. n. 23. Menoch. de arb. cent. 3. cas. 220. n. 29. Castr. n. 52. qui & n. 6. cum eodem Menoch n. 33. optimi diluit, quæ ex variis legibus in contrarium adducuntur. Sed neque etiam illa unica interpellatione opus esse, si contractui adjectum juramentum, è quod illud vim interpellationis habeat, obligatè debitorem, ut quam primū potest, solvat, tenent Jason. in l. quod te mihi. ff. 6. cert. perat. n. 22. & ibid. Decius. n. 43. Abb. in c. brevi. de jurejur. Covar. l. 4. resol. c. 17. illat. 5. Gutt. de juram. c. 56. n. 12. Menoch. l.c. n. 20. quam sententiam etijs ut communem sustinendam esse dicat Castr. n. 7. hoc tamen contra eam obmovet, quod juramentum sequatur naturam actus, cui adjicitur; natura autem promissionis & obligationis diem non designantis imbibat conditionem interpellationis.

pellationis, ut debitor in mora constituantur, ideoque eandem conditionem habeat; quia est ad firmandam promissionem in consensu, in quo facta. Cui tamen objecto satisfacit dicendo cum Covar, juramentum sequi naturam primordialem actus, cui accedit; natura autem contractus non designantis diem est obligatio, quam primum fieri potest. Quod vero egeat monitione creditoris ex accidente esse, nimirum ex consuetudine & uso recepto. Item, haec interpellatio non est necessaria in actibus ultra citroque obligantibus; sed eo ipso, quod unus implevit, alter in mora constituitur, implemento unius exigente complementum alterius, ut contractus perficiatur. *L. Julianus. §. ex vendito. ff. de act. empi. Gutt. l.c. Menoch. l.c. n. 22. Castrop. n. 8.*

3. Resp. tertio: Si in contractu certum tempus solutionis praefixum, creditor lapsus hujus temporis regulariter exspectare debet. *L. 137. §. 2. ff. de V.O. nisi superveniat creditori inopia, & haec probetur Lauterb. b.t. §. 28. cum Mevio ad Jus Lubec. p. 3. tit. 3. a. 8. Sed & debitor hoc tempus exspectare debet, dum illud praefixum in gratiam creditoris; uti factum creditur in obligatione constituta sub usuris. L. 122. ff. de V.O. Berlich. decisi. 153. a. 8. Lauterb. l.c. nisi tamen soluturus simul cum principali debito simul offerat, quod interest creditoris & futuras usuras ad destinatum usque solutionis diem, quod potest & debet. Ubi vero tempus certum statutum in gratiam debitoris, uti communiter sit, potest hic favori suo renunciate, & ante elapsum terminum toto medio tempore solvere, & se obligatione liberare. Et si creditor sine justa causa acceptare nolit, potest deponere in loco publico. *L. 70. & 89. §. 4. ff. b.t. l. 9. c.b.t. Muller. in Serr. ff. b.t. th. 75. lit. d. citatis pluribus. Lauterb. cit. §. 28. qui etiam inter justas causas recusandi oblatum debitum cum Brunem. & aliis recenser illam; si devalatio moneta immineat. Idem est, dum timor est pecuniam mox removendam; cum pari passu ambulent pecunia remota & mox removenda; reprobata & mox reprobanda. L. 24. ff. de pignorat. a. t. Muller. l.c. citatis Roman. l. 3. de solut. concl. 2. n. 24. & aliis. Addit quoque ex Bartol. in L. 17. ff. de usur. Carpz. 5. resp. tii. 2. resp. 6. & Richtero. Quod, si debitor solvat creditori ignorantis pecuniam, qua passura est diminutionem, solvens eam supplere debeat secundum valorem contractus. Quod intelligendum videtur, si diminutio brevi futura sciatur.**

Quæst. 541. An & quid speciale sit circa tempus restituendi mutuum.

R Esp. Convenit obligatio restituendi orta ex contractu mutui quod ad tempus cum aliis contraactibus in eo, quod, si redditioni dies certa praefixa à contrahentibus, ea servanda, ita ut neque à creditore repeti ante lapsum illius diei possit, neque à debитore ultra illum diem differri; & iste plus petitione removeri; hic verò conveniri ad præstandum omne damnum ex mora emergens & lucrum cessans, obligatus ad id tam in foro externo quam interno, conscientia. Abb. in c. fin. de usur. n. 14. Molin. tr. 2. de j. & 7. d. 299. n. 5. Gail. l. 2. obs. 5. n. 15. Brunem. ad L. arbitaria. ff. de eo, quod certi loco. n. 15. Si verò certa dies praefixa non est, mutuum reddendum, quam primum redditionem mutuans

R. P. Leur. Jur. Can. Lib. III.

postulat; modo tamen inopinatae necessitatis casu non urgente, non statim postularit; rei enim mutuæ usus mutuatario constare debet; cùm mutuum sit beneficium, quo nos juvari, non decipi oportet. Arg. L. in commodato. §. 3. in fin. ff. commodati. Wiestn. b.t. n. 8. quare inter dationem & redditionem mutui congruum aliquod temporis spatum exspectandum, quo ex mutuo commodum aliquod habere potest mutuarius. Arg. l. quod dicimus. ff. b.t. cùm bona fide eóque animo datum intelligatur. Quod tempus, si loci statuto vel consuetudine definitum non est, arbitrio Judicis seu boni viri, persona qualitatem rerumque, ac præsertim negotii seu causæ, pro qua mutuum acceptum, circumstantias pendentis arbitrio committendum. Ita Wiestn. l. citatis Molin. l.c. n. 6. & Haunold. Tom. 3. de 7. & 7. tr. 9. n. 299. in fine.

Quæst. 542. Mora in solvendo an & queritur purganda.

1. Resp. Per quæ purgari potest mora, seu ratione quorum excusat debitor differens solutionem ultra tempus, quo ea alias præstat debet, ad tria ferè capita revocari possunt, prout definitur ex Menoch. l.c. cas. 220. circa finem. Castrop. l.c. §. 7. n. 10. Ac primò quidem, si per debitorem non stetit ista dilatio; quia nimur is te solvenda vel tradenda caruit. L. quod te mibi. ff. si cert. petat. & ibi Alex. n. 10. Decius n. 54. vel quia creditor absuit, nullo constituto, qui solutionem suo nomine recipet. L. pecunia. L. ult. ff. de usur. Molin. d. 564. circa med. Laym. l. 3. tr. 2. c. 11. in fine. Castrop. l.c. vel quia creditor oblatam tempore & loco congruo solutionem recipere noluit. L. soluturos. ff. b.t. Molin. Laym. Castrop. II. cit. Secundo si legitimam exceptionem habeat, quæ se à solutione præstanda, seu quod non debeat, tueri possit. L. sciendum. ff. de usur. DD. in cit. L. quod te mibi. Menoch. l.c. n. 51. Castrop. l.c.

2. Tertio si adsit causa legitima, quæ prudenter hominum iudicio excusat moram debitoris à culpa lethali, haec censetur sufficiens ad excusandum illum in foro externo; cùm illud in hac parte se conformare debeat foro interno. Castrop. l.c. exemplo adducto à Menoch, quia v. g. ideo distulit solutionem, quia parabat fidejussiones creditoris offerendos; quia haec diligentia, & inde orta dilatio non videatur creditoris damno sa ex cit. L. sciendum. Sic etiam excusabitur à mora haeres debitoris, cui non est facta fides de debito; cùm præsumatur id ignorasse. Item ipse debitor interpellatus ab haerede creditoris, non facta sibi ab eo fide, quod sit illius haeres. Ita si is interpelletur à creditore pro debito ex contractu inito cum procuratore debitoris, non facta fide instrumenti contractus, nec copia ejus ei missa. Ita Castrop. Purgati quoque in omnibus debitis adhuc sufficienter moram ex canonica æquitate, si in continent & confessim post elapsum tempus praefixum, solvatur debitum, asserunt Menoch. de arb. cent. I. cas. 7. Gutt. de j. ram. p. 3. c. 17. a. n. 1. & alii, quos citat & quibus inhærente videtur Castrop. l.c. n. 12. contrarium apud eundem tenente Molin. l.c. d. 564. non tantum speccato Jure civili. L. magnam. ff. de contrah. & commit. stipul. & L. trajectitia. ff. de A. & O. Sed

Bbb